

SCRIPT OF EVENING GOJRI NEWS BULLETIN 23FEB 2026

1700HRS

اوننگ گوجری نیوز بولیٹن 23 فروری 2026

یوہ آکاشوانی جموں بے نصرت تے ظفر اقبال تیں خبر سَنو۔

HEADLINES

- ۱۔ لیفٹیننٹ گورنر منوج سنہا نے اج کھیلو انڈیا سرمائی کھیڈاں 6 واں شمارا غی دوجی قسط غو باقاعدہ افتتاح گلمرگ مانہہ کیو۔ انہاں نے کہیو یوہ جموں کشمیر غا کھیڈاں غی شناخت، غو جشن ہے۔
- ۲۔ وزیر اعلیٰ عمر عبداللہ نے اج گلمرگ مانہہ سرمائی کھیڈاں غا تحفظ تے سیاحت نانہہ فروغ دین واسطے مصنوعی برف بنان غی فوری ضرورت ور زور دتو۔
- ۳۔ فوج نے کشتواڑ ضلع گا چھاترو علاقہ مانہہ بلند پہاڑی غا مقام ور 326 دنان توڑی جاری، مشترکہ کاروائی غے دوران 7 خطر ناک دہشت گردان نانہہ ہلاک کیو ہے۔
- ۴۔ جموں کشمیر مانہہ سال 2022 تیں ہُن توڑی منشیات غا استعمال غا 32 ہزار 500 تیں متہ معاملہ باندھے آیا ہیں، جن وچوں سب تیں زیادہ معاملہ سرینگر تے جموں ضلع غا ہیں۔
- ۵۔ جموں کشمیر تیں تعلق رکھن آلی بھارت غی کم عمری، پیرالمپک اعزاز یافتہ شیتل دیوی نانہہ ووگ ویلیوز، ویمن۔ آف۔ ایکسی لینس، اعزاز سنگ نوازیو کیو ہے۔

LG KIWG

لیفٹیننٹ گورنر منوج سنہا نے اج کھیلو انڈیا سرمائی کھیڈاں 6 واں شمارا غی دوجی قسط غو باقاعدہ افتتاح گلمرگ مانہہ کیو۔ افتتاحی تقریب سنگ خطاب کرتا واں لیفٹیننٹ گورنر نے کہیو کہ یاه تقریب صرف تاریخاں غو اتفاق نی بلکہ جموں کشمیر غا کھیڈاں غی شناخت، اس غی یکجہتی، تے کھیڈاں غو جشن ہے۔ جہیڑی شہریاں نانہہ آپس مانہہ جوڑے تے کھیڈاریاں غی حوصلہ افزائی کرے۔ ملک بھر تیں آن آلا شرکاء غو خیر مقدم کرتا واں انہاں نے کہیو کہ اُن غی لگن، محنت تے کھیڈاں واسطے جزبو اس تقریب نانہہ مزید کامیاب بناسکے۔ انہاں نے مزید کہیو کہ گلمرگ مانہہ منعقد ہون آلا سرمائی کھیڈاں ایک عالمی زبان، تے مشترکہ ورثہ غا طور ور کم کرے۔ تقریب سنگ خطاب کرتا واں ایل جی۔ موصوف نے اس طرح کہیو۔۔۔۔۔

CM WINTER SPORTS

وزیر اعلیٰ عمر عبداللہ نے اج گلمرگ مانہہ سرمائی کھیڈاں غا تحفظ تے سیاحت نانہہ فروغ دین واسطے مصنوعی برف بنان غی فوری ضرورت ور زور دتو۔ کھیلو انڈیا سرمائی کھیڈاں غا آغاز غا موقع ور، انہاں نے کہیو کہ غیر یقینی برف باری غی وجہ تیں سرمائی کھیڈاں غا انعقاد تے مستقبل غی منصوبہ بندی مانہہ مشکلات پیش آئیں ہیں۔ وزیر اعلیٰ نے حکومت غا عزم نانہہ دبراتا واں کہیو کہ گلمرگ مانہہ عالمی معیار غو اسکنگ مرکز بناویو جے غو۔ تاجے مسلسل کھیڈاں

غی سرگرمیاں نانہہ یقینی بناویو جاسکے تے خطہ مانہہ سرمائی کھیڈاں غا
مستقبل نانہہ محفوظ کرن واسطے، مصنوعی برف غو نظام قائم کیو جے غو۔ ذرائع
ابلاغ سنگ گل کرتا واں وزیر اعلیٰ نے اس طرح کہیو۔۔۔۔۔

TERRORIST ELIMINATED

وائٹ نائٹ کور نے اج کہیو کہ کشتواڑ ضلع گا چھاترو علاقہ مانہہ بلند پہاڑی غا
مقام ور 326 دناں توڑی جاری، مشترکہ کاروائی غے دوران 7 خطر ناک دہشت
گرداں نانہہ ہلاک کیو گیو ہے۔ آکاشوای جموں غا نمائندہ غی رپوٹ غے مطابق،
سماجی میڈیا پلیٹ فارم ایکس ور جاری بیان مانہہ کور نے اس مشن نانہہ
بہادرانہ ثابت قدمی، قرار دتو تے کہیو کہ یاہ کاروائی جموں کشمیر پولیس تے
سی۔آر۔پی۔ایف فورس غا قریبی تعاون تیں جدید ٹیکنالوجی تے مضبوط خوفیہ
معلوماتی نظام غی مدد سنگ انجام دتو گیو ہے۔ اسے دوران، پولیس غا انسپکٹر
جنرل بھیم سین ٹوٹی نے ذرائع سنگ گل کرتا واں کہیو کہ سیف اللہ تے اس غا
ساتھیاں غی ہلاکت تیں، علاقہ مانہہ سرگرم دہشت گرد غا نیٹ ورک نانہہ بڑو
چٹکو لگو ہے۔ انہاں نے مزید کہیو کہ جموں مانہہ دہشت گردی غا مکمل خاتمہ
واسطے عوام غو تعاون نہایت ہی ضروری ہے۔ انہاں نے مزید اس طرح
کہیو۔۔۔۔۔

RAJOURI JJM

ایک اہم پیش رفت مانہہ راجوری ضلع، غی سب ڈویژن کوٹرنکہ غا، 14 ہزار
تیں متہ رہائشی، پہلی واری جل جیون مشن غے تحت اپنا کہراں مانہہ نل غے
ذریعے پانی حاصل کرریا ہیں۔ جل شکتی محکمہ غا ایگزیکٹو انجنیر سُدیش بھگت
نے دسیو کہ، اس ہلاک واسطے تقریباً 63 آبی سپلائی سکیمیں غی منظوری دتی
گئیں ہے، جن غو مقصد ہر کہر توڑی محفوظ، تے مناسب پین غو پانی پُجانو
ہے۔ جس تیں دور دراز پہاڑی علاقوں مانہہ لوکاں غی زندگی غو معیار نمایاں
طور ور بہتر وے گو۔ انہاں نے مزید اس طرح کہیو۔۔۔۔۔

DRUG CASESJK

حکومت نے 2022 توں ہن توڑی جموں کشمیر مانہہ منشیات گا استعمال گا 32500
توں متہ معاملہ درج کیا ہیں جن مانہہ سریگر تے جموں ضلع مانہہ سب توں
زیادہ تعداد ہے سماجی انصاف تے اختیارات غی وزارت نے ایک سماجی میڈیا
پوسٹ مانہہ مطلع کیو ہے جے منشیات گا استعمال توں نمڑن واسطے نشہ مکت
بھارت ابھیان غے تحت جموں کشمیر مانہہ تمام ضلع مانہہ فعال نشہ علاج مراکز
غے سنگ نشہ چھران غی خدمات نانہہ مضبوط کیو جارہیو ہے اس مانہہ مزید
کیو گیو ہے جے تمام 20 ضلع نشہ چھران غی او۔پی۔ڈی خدمات وی کم کرنی ہیں
جد کہ آئی۔پی۔ڈی خدمات 9 سرکاری میڈیکل کالجاں مانہہ دستیاب ہیں جہڑی علاج
تے بحالی غی مدد تک وسیع تر رسائی نانہہ یقینی بناویں۔

SHEETAL DEVI AWARD

جموں کشمیر واسطے ایک قابل فخر لمحہ مانہہ تیر انداز شیتل دیوی جس غو تعلق ضلع کشتواڑ توں بے نانہہ اُن غی لچک تے متاثر کُن سفر واسطے واگ ویلیو وومن آف ایکسٹنس اعزاز سنگ نوازیو گیو بے سماجی میڈیا ور اظہار کرتا واں شیتل دیوی نے کہیو بے جے اس ناہہ کالسریاں غے بشکار کملا رہن ور فخر بے جہڑی دوجاں غی ترقی جاری رکھن غو وعدی پورو کرتا واں مقصد غے سنگ قیادت کررئی بے قابل ذکر بے جے شیتل نے پیرس 2024 پیرا اولمپکس مانہہ تاریخ رقم کی جت اس نے مخلوط ٹیم کمپانڈ مقابلہ مانہہ کنسہ غو تمغو جتیو تے سب توں کہٹ عمر بھارتی پیرا اولمپک تمغو جتن آلی بنیں۔ واضح رہ جے شیتل دیوی بڑا بین العقوامی مقابلان مانہہ سونا غو تمغو وی جیت چکی ہیں۔ دُنیا غی واحد خاتون بین العقوامی تیر انداز گا طور ور جہڑی اوپری اعضاء غے بغیر مقابلو کرے شیتل غو سفر عزم تے ہمت غی عالمی علامت بنی وی بے۔

CBC RAJOURI

راجوری مانہہ مرکزی اطلاعاتی محکمہ، وزارت اطلاعات و نشریات غی جانب تیں آئی۔ٹی۔آئی نوشرہ مانہہ ایک روزہ مربوط بیداری تے رابطہ بارے پروگرام منعقد کیو گیو۔ اس پروگرام مانہہ وکست بھارت، وی۔بی۔جی۔رامجی، پوش ابھیان، کوشل وکاس یوجنا تے قومی مویشی ترقی مشن، سمیت اہم سرکاری سکیمان نانہہ آجاگر کیو گیو۔ اس موقع ور محکمہ پیڈ پالن، دیہی ترقی محکمہ تے سابق پنچانتی نمائندہ وی موجود تھا۔ ماہرین غا خطاب، معلوماتی مقابلہ، نیو انڈیا سماچار غی تقسیم تے ثقافتی پروگراماں غے ذریعے عوام مانہہ بیدادی پیدا کی گئی۔ مقابلہ مانہہ جتن آلاں نانہہ انعام سنگ نوازیو گیو۔ آکاشوانی غا خیراں آلا شعوبہ سنگ گل کرتا واں فلڈ پبلسٹی افسر، سی۔بی۔سی راجوری نے اس طرح کہیو۔۔۔۔۔

CBC UDH

اطلاعات و نشریات غی وزارت غا مرکزی اطلاعاتی محکمہ غے ذریعے سٹارٹ اپ انڈیا مشن اروما تے فلیگ شپ رابطو پروگرام غو آغاز لڑکاں گا ڈگری کالج ادھمپور مانہہ ہوو۔ قابل ذکر بے جے یہ تقریب 27 فروری 2026 توڑی جاری رے غی۔ ادھمپور غا مغربی ایم۔ایل۔اے پون کمار گپتا غے سگ سی۔بی۔سی فیلڈ آفس ادھمپور گرانام سنگھ تے دوجہ افسراں نے تقریب غو افتتاح کیو۔ آکاشوانی گا خیراں آلا شعوبہ سنگ گل کرتا واں ایم۔ایل۔اے پون کمار گپتا نے اس طرح کہیو، کالج غا طلبا نے اس طرح گا اقدام ور محکمہ غی کوششاں غی تعریف کی تے کُج اس طرح کہیو۔۔۔۔۔

FOOD SAFETY RBN

ماہ رمضان غے دوران کھان پین غی اشیاء غا معیار، صفائی تے آسان دستیابی نانہہ یقینی بنان واسطے، رام بن تیں محکمہ نے خوراک غی حفاظت بارے اقدامات سخت کردتا ہیں۔ بازاراں مانہہ اج کل مختلف سرکاری ٹیم جسراں غی ریونیو، فوڈ سیفٹی، پولیس تے لیگل میٹروولوجی باقاعدگی غے نال چیزاں غی جانچ کررئی ہیں۔ معائنہ غے دوران گوشت، چکن، دودھ تیں بنی اشیاء، پھل، مٹھائی تے سبزیان گا معیار ور خاص نظر رکھی جارئی بے۔ حکام نے ملاوٹ غے خلاف

ناقابل برداشت پالیسی اپناتا وان غیر معیاری تے غیر محفوظ اشیاء فروخت کرن
آلاں غے خلاف جرمانو، تے قانونی کاروائی غا حکم جاری کیا ہیں۔ رامین تیں
خوراک غی حفاظت بارے افسر بلبیر سنگھ نے اس طرح کہیو.....
